

Visoki predstavnik donio drugu Odluku o rekonstrukciji sistema javnog emitiranja u Bosni i Hercegovini

Visoki predstavnik, Wolfgang Petritsch je danas donio svoju drugu Odluku o rekonstruiranju sistema javnog emitiranja u Bosni i Hercegovini. Ova Odluka predstavlja nastavak i dodatak njegovoj prvoj Odluci iz jula 1999. godine.

Ovom Odlukom se uspostavlja okvir za sistem javnog emitiranja koji je u skladu sa modernom praksom zapadnih zemalja. Akcenat se stavlja na to da se osigura da tri glavna emitera PBS, RTV Federacije i RT RS budu ekonomski održiva, finansirana na transparentan način, te profesionalno vodjena u korist svih građana BiH.

Medjunarodni pravni stručnjaci, kao i stručnjaci za medije, u konsultaciji sa domaćim stručnjacima iz redova sva tri konstitutivna naroda u BiH, radili su na izradi ove složene Odluke koja je od ključnog značaja. Osnivacki odbor PBS-a, Upravni odbor RT RS-a, Vijeće RTV-a Federacije, Sindikat RTV-a BiH i IMC su dali svoj doprinos konačnoj formi ovog dokumenta.

Novi sistem uzima u obzir uzajamne interese tri RTV kuće koje će i dalje ostati neovisne, ali će suradjivati kako bi poboljšale javni servis u oba Entiteta, kao i diljem BiH. Provedbom ove Odluke produkcijske mogućnosti oba entitetska emitera će biti značajno unaprijeđene. Nedavni primjer zajedničkog prijenosa Olimpijskih igara u Sydney-u od strane tima sastavljenog od predstavnika sve tri RTV kuće jasno ukazuje kakvu korist takva suradnja ima za sve gledatelje u BiH.

Visoki predstavnik je svjestan činjenice da u ovoj zemlji još

uvijek preovladava politicka kultura prema kojoj bi sektor emitiranja trebao biti pod politickom kontrolom. Visoki predstavnik ce insistirati da ova Odluka bude u potpunosti provedena. Svi oni koji pokusaju vrsiti opstrukciju ovog procesa smatrace se odgovornim. Ovo se odnosi i na politicare koji na nezakonit nacin ohrabruju gradjane da ne placaju pretplatu koja predstavlja finansijski osnov ovog novog sistema.